

PROCEDURA DA TRAIR LA SORT QUALIFITGADA


Ponderaziuns davart in process da realisaziun pussaivel

Da princip èsi l'incumbensa dal parlament, dal Cussegl federal e dal Tribunal federal da concepì concretamain la procedura da trair la sort sin fundament dal nov artigel costituzional. Ins vegn er a pudair sa basar sin proceduras ch'èn sa cumprovas fin ussa. La skizza sutvart mussa co ch'ils iniziants s'imagineschan la procedura.



1. NOMINAR INA CUMISSIUN D'EXPERTS (CREAR LAS BASAS)

Il Cussegl federal elegia in gremi d'experts independent. La durada d'uffizi è limitada (exempel: mintga quatter onns vegn remplazzà in terz dals 12 commembers, uschia che mintga commember resta max. 12 onns en uffizi). Quai garantescha che la cumissiuon d'experts na po crear nagina posiziun da pussanza.



2. FIXAR LAS CUNDIZIUNS DA BASA (PLANISAZIUN GENERALA E BUDGET)

En il rom da la determinaziun dal budget decida il parlament en convegno cun il Cussegl federal ed il presidi dal Tribunal federal quantas posiziuns da derschader federal che ston e pon vegnir occupadas en minimum ed en maximum (dimensiun).

Il parlament determinescha il dumber minimal e maximal da plazzas da derschader federal, sco er il dumber minimal da plazzas da derschader pro regiun linguistica.




3. DETERMINAR IL BASEGN DA PERSONAL (PLANISAZIUN DETAGLIADA)

Il Tribunal federal planisescha ses basegn da personal concret a media vista en il rom dal budget. A basa da quel planisescha el ensemen cun la cumissiuon d'experts las publicaziuns necessarias da las plazzas da derschader federal



4. PROCEDURA D'ELECZIUN

Las plazzas da derschader federal vegnan publicgadas. La cumissiuon d'experts examineschan las candidaturas inoltradas. Las personas che adempleschan ils criteris da qualificaziun persunals, professionals e linguistics pon prender part a la procedura da trair la sort.



5. PROCEDURA DA TRAIR LA SORT

Per mintga plazza da derschader vacanta ha lieu ina procedura da trair la sort publica. En la chascha vegnan mintgamai ils nums da tut las candidatas ed ils candidats che adempleschan ils criteris da qualificaziun persunals, professionals e linguistics.

Il dumber da derschadras federalas e derschaders federals ch'èn d'eleger sco era las basas da calculaziun per l'attribuziun linguistica ed ils resultats da la procedura da trair la sort èn publics.

